

खास खास खबरां

- 1 राष्ट्रपति द्रौपदी मुर्मू होरें मलावी दे राष्ट्रपति लजारस चाकवेरा हुंदे नै दपक्खी बैठक कीती।
- 2 प्रधानमंत्री नरेन्द्र मोदी होर 22 अक्तूबर थमां दऊं दिनें दे रूस यात्रा पर जांगन, 15में ब्रिक्स शिखर सम्मेलन च शामिल होंगन।
- 3 प्रधानमंत्री मोदी होरें आखेआ जे एनडीए दे शासन आले राज्यें च बेहतर शासन, तेजिया च फँसले लेने ते पारदर्शीता ते शासन लेई निवेशकें ते निवेश गी आकर्षित करने च मदद कीती ऐ।
- 4 रक्षा मंत्री राजनाथ सिंह होरें आखेआ जे गैर परम्परागत युद्ध नै रक्षा क्षेत्र च नमिएं चुनौतियां पैदा करी दित्तियां न।
- 5 चुनां आयोग नै झारखंड च विधानसभा चुनां दे पैहले गेड़ लेई अधिसूचना जारी करी दित्ती ऐ।

<><><><><><>

President-Malawi Visit

राष्ट्रपति द्रौपदी मुर्मू होरें अज्ज मलावी दे राष्ट्रपति लजारस चाकवेरा हुंदे नै दपक्खी बैठक कीती। एहदे अलावा उनें डेलीगेशन स्तरै दी गल्लबात बी कीती ऐ। इस मौके पर कला ते संस्कृति, खेड्ड, युवा मामले ते फार्मा दे खेत्तर च 4 समझौता ज्ञापनें पर दस्तखत बी कीते गे। भारत नै मलावी गी इक जहार टन चोलें दी आपूर्ति करने दी घोशणा कीती ऐ। राष्ट्रपति मुर्मू होर मलावी दे राष्ट्री युद्ध स्मारक पर बी गेइयां।

<><><><><><>

PM Russia

प्रधानमंत्री नरेन्द्र मोदी होर इस महीने दी 22 तरीक गी 16में ब्रिक्स सम्मेलन आस्तै दऊं दिनें दे दौरे उप्पर रूस जांगन। एह सम्मेलन कजान च होआ'रदा ऐ जेहदा विशे सार वैश्विक विकास ते सुरक्षा लेई बहुपक्षवाद गी मजबूत करना होग। एह सम्मेलन किश महत्वपूर्ण वैश्विक मसलें पर गल्लबात करने लेई मंच प्रदान करोग। एह सम्मेलन ब्रिक्स राएं शुरू कीती गेदिएं पैहलकदमिएं दा पिरिक्षण करने लेई बी मौका प्रदान करोग ते भविष्य च सहयोग करने आस्तै गी प्रमुख खेत्तरें दी ताल करोग। विदेश मंत्रालय दे इक कथन दे राएं प्रधानमंत्री मोदी हुंदे कोला ब्रिक्स सदस्ये मुख् दे प्रधानमंत्री कन्नै दपक्खी गल्लबात करने दी मेद कीती जा'रदी ऐ।

<><><><><><>

VP NHRC

उपराष्ट्रपति जगदीप धनखड़ होरें आखेआ ऐ जे मनुक्खी अधिकार म्हेशां थमां भारत दे नैतिक ताने-बाने च शामिल रेय न। नमीं दिल्ली च मनुक्खी अधिकारें सरबंधी राष्ट्री आयोग दे स्थापना दिवस कार्यक्रमै गी संबोधित करदे होई श्री धनखड़ होरें आखेआ जे भारती संविधान मनुक्खी अधिकारें लेई मार्गदर्शक ऐ। उनें आखेआ जे संविधान दी प्रस्तावना सब्बनें लेई न्याऽ, आजादी ते बरोबरी दा हक उपलब्ध करोआंदी ऐ जेहड़े मनुक्खी अधिकारें दा सार न। उपराष्ट्रपति होरें आखेआ जे कुसै बी किस्मै दी फर्कोफर्की मनुक्खी अधिकारें दे बुनियादी पैहलुएं लेई चुनौती ऐ। धनखड़ होरें आखेआ जे लोकें गी मनुक्खी अधिकारें दी उल्लंघना दा बरोध करना लोड़चदा ऐ। उनें इब्बी आखेआ जे दुएं दे मनुक्खी अधिकारें दा सम्मान करना अपने मनुक्खी अधिकारें दा सम्मान करने जनेया ऐ। आयोग दिएं कार्यवाहक अध्यक्ष विजया भारती सयानी ते प्रधान सचिव भरत लाल होरें बी कार्यक्रम गी संबोधित कीता।

<><><><><><>

PM-Karmayogi

प्रधानमंत्री नरेन्द्र मोदी होर कल नमीं दिल्ली च कर्मयोगी सप्ताह एनएलडब्ल्यू गी करगंन। इस पूरे हफते दरान हर कर्मयोगी अपनी योग्यता सरबंधी जुड़े दी सिखलाई च घट्टोघट्ट 4 घँटे दा लक्ष्य प्राप्त करने लेई वचनबद्धता होंगन। एनएलडब्ल्यू जां कर्मयोगी सप्ताह बक्ख-बक्ख मंत्रालयें, व्यक्तिगत भागीदारिएं, विभागें ते संगठनें राए सिखलाई गी समर्पित कीता जाग। सब्बने कर्मयोगी अपना लक्ष्य वेबिनारस, लैक्चर, मन्ने परमन्ने दे व्यक्तिएं राए दित्ती गेदिएं मास्टर क्लासें ते आईजीओ टी उप्पर व्यक्तिगत भूमका उप्पर आधारित मॉड्यूल दी मदाद कन्नै पूरा करगंन। इस हफते दरान मन्ने परमन्ने दे व्यक्तिएं गी लैक्चर, देने आस्तै सददेआ गेदा ऐ, जेहड़े नागरिक केन्द्रित कम्में काजें च कर्मयोगिएं दी प्रभावी ढंगै कन्नै मदाद बी करगंन। बक्ख-बक्ख मंत्रालय विभाग ते संगठन बी इस मौके पर सैमीनारस ते वर्कशापें दा आयोजन करगंन। कर्मयोगी सप्ताह एनएलडब्ल्यू अपने च गै सब्बने शा बड्डा समारोह होग जेहदे च यिविन सेवकें दी संगठात्मक क्षमता बधोग ते उनेंगी नमीं प्रेरणा मिलोग।

<><><><><><>

PM-NDA

प्रधानमंत्री नरेन्द्र मोदी होरें आखेआ जे सुचारू शासन, तेजिया कन्नै फैसला लैने करी एपडीए शासत राज्यें च निवेशकें गी ते निवेश गी आकर्षित करने दा मौका मिलेआ ऐ। कल चंडीगढ़ च एनडीए दे लीडरें दी बैठक दा संबोधन करदे होई प्रधानमंत्री होरें गलाया ऐ जे एनडीए सरकार आम नागरिकें दे सुखने गी साकार करा'रदी ऐ। 2014 थमां गै लोकें च भरोसा बनाने च लग्गी दी ऐ। उनें इस गल्ल उप्पर जोर पाया जे बेहतर शासन दा मतलब गै लोकें दी समस्याएं दा हल्ल कड्डना ऐ। सब्बने एनडीए शासत राज्यें च आम लोकें दी समस्याएं गी नबेड़ने पर ध्यान केन्द्रित कीता जंदा ऐ। प्रधानमंत्री मोदी होरें लोकें लेई बेहतर शासन यानि पीटूजीटू दे संकल्प उप्पर विस्तार च गल्लबात कीती ते गलाया जे एनडीए सरकार समाज दे हर वर्ग दे लोकें दा दिल जित्ते दा ऐ। इस बैठक च हरियाणा विधानसभा चुनाएं च मोदी होरें गी मुबारकबाद देने दा संकल्प गी लैता ऐ। इक भारत दे संविधान दे 75 ब'रे पूरे होने दे मौके गी मनांदे होई संविधान का अमृत महोत्सव दा बी संकल्प लैता गेआ। देसे च एमरजेंसी लागू कीते जाने दे सरबंधै च ब'रे 2025 गी लोकतंत्र दी हत्या दे 50में ब'रे दे तौरे पर मनाने बारे इक प्रस्ताह बी बैठक दरान मंजूर कीता गेआ।

<><><><><><>

Rajnath Singh DRDO

रक्षा मंत्री राजनाथ सिंह होरें आखेआ ऐ जे गैर रिवायती जंग नै रक्षा दे खेत्तर च नमीं चुनौतियां खड़ी करी दित्तियां न। उनें आखेआ जे तकनीकें जंग दे नमें रूपै गी जनम दित्ता ऐ ते ड्रोन, साइबर युद्ध ते जैविक थेआर बड्डी चुनौतियां बनियै उभरे न। रक्षा मंत्री होरें अज्ज नमीं दिल्ली च डेयर टू ड्रीम इनोवेशन दे 5में संस्करण दे शुभारंभ दे मौके पर एह गल्ल आक्खी। उलें रक्षा खेत्तर च शौध ते विकास दे बधदे महत्त्व पर जोर दित्ता। उनें आखेआ जे जियां जिया दुनिया च बदलाव बावै करदे न तां तकनीकें शोध ते विकास दा महत्व बी उससै रफतार कन्नै बधै करदा ऐ। उनें आखेआ जे सरकार देसै दे रक्षा खेत्तर गी होर मता तकनीकें दे मुआफज बनाने लेई वचनबद्ध ऐ। डेयर टू ड्रीम पैहल दे प्रतिभागिएं गी मुबारक दिंदे होई उनें आखेआ जे नोजवान जिसलै कोई नमां सुखना दिखदे न तां उंदे लेई नमीं चेन बी तैआर करी लेंदे न।

<><><><><><>

Govt.

सरकार नै मध्यस्थता ते सुलह संशोधन बिल 2024 दी तरमीम पर सुझाह मंगे न। कनून ते न्याह मंत्रालय नै आखेआ जे सरकार नै देश च मतभेद निपटारे सरबंधी माहौल गी मजबूत करने ते कारोबार दी असानी लेई केई गैह पुट्टियां न। मंत्रालय नै आखेआ जे कनूनी मामले विभाग फिलहाल मध्यस्थता जे सुलह अधिनियम 1996 च होर तरमीम करने दी प्रक्रिय च ऐ।

<><><><><><>

Uttrakhand

उत्तराखंड च समान नागरिक संहिता यानि यूसीसी लागू करने दे प्रयास जारी ऐ। साबका मुख् सचिव शत्रुघन सिंह दी अध्यक्षतस च गकठत यूसीसी नियम ते उसी लागू करने आली समिति ने अज्ज सचिवालय च मुख्मंत्री पुष्कर सिंह धामी होरें गी इसदी मसौदा रिपोर्ट सौंपी। मुख्मंत्री होरें आखेआ जे कैबिनेट दी मंजूरी दे बाद तौले गै एह कनून राज्य च लागू होई जाग।

<><><><><><>

Jharkand

चुनां आयोग नै अज्ज झारखंड च विधानसभा चुनां दे पैहले गेड़ लेई अधिसूचना जारी करी दित्ती ऐ। इस गेड़ च 13 नवम्बर गी 43 सीटें पर मतदान होग। 25 अक्टूबर गी नामजदगी दे कागज पत्र भरने दी खीरी तरीक होग। मेदवार बडलै 11 बजे थमां दपैहरी 3 बजे तोड़र नामजदगी दे कागज पत्र भरी सकदे प। जांच 28 अक्टूबर गी होग। पैहले गेड़ लेई मतदान इस म्हीने 30 तरीक जिले के दुए गेड़ लेई मतदान 23 नवम्बर गी होग। झारखंड विधानसभा चुनां लेई एनडीए दे सैहयोगी दल बशकसा सीट बंडने आली प्रक्रिया दी घोषणा करी दित्ती गई। राज्य दे चुनां सह-प्रभारी हेमंदा बिसवा सर्मा होर रांची च आखेआ जे बीजेपी 68 सीटें पर चुनां लड़ोग जिसलै जे 10 सीटें एजेएसओ पोर्टी गी दित्तियां जांगन। जमशेदपुर पच्छम ते तमाड़ दी दरुं सीटां जनता दल यूनाइटेड गी दित्तियां जांगन। चतरा दी इक सीट चिराग पासवान दी अगुवाई आली एलजेपी गी दित्ती जाग।

<><><><><><>

Harayana CM Cabinet

मुख्मंत्री नायब सिी सैनी ते उंदे मंत्रिमंडल सैहयोगिएं अज्ज अपना कम्मकाज सांभी लैता। मुख्मंत्री होरें दस्सेआ जे मंत्रिएं गी तौले गै विभाग बंडे जांगन। एहदे परेंत विभागें दे मताबक कम्म दी रूपरेखा तैह कीती जाग। मुख्मंत्री होरें आखेआ जे ओह राज्य दी सेवा लेई म्हेशां गै तैआर न।

<><><><><><>

SC-Child Marriage

सर्वोच्च अदालत आखेआ ऐ जे बच्चें दे ब्याह दी रोकथाम सरबंधी कनून गी व्यक्तिगत कनेनें आस्सेआ रोकेआ नेई जाई सकदा ऐ। अदालत आखेआ ऐ जे बच्चें दे ब्याह आपूं अपना जीवन साथी चुनने दी इच्छेआ दी उल्लंघना करदे न। मुख् न्यायधीश डी.वाई. चन्द्रचूड़, न्यायमूर्ति मनोज मिश्रा हुंदी खंडपीठ देसें च बच्चें दे ब्याह दी रोकथाम आले कनूनें दी असरदार अमलावरी लेई दिशा निर्देश बी जारी कीते। मुख् न्यायधीश चन्द्रचूड़ होरें आखेआ जे व्यक्तिगत कनूनें गी बाल-विवाह रोकने दे मकसद कनै बनाए गेदे राश्ट्री कनूनें दी अमलावरी च रूकावट नेई बनना लोड़चदा। पीठ नै इब्बी आखेआ जे बच्चें दे ब्याह दी रोकथाम आले कनून 2006च किश खामियां न। एह कनून बच्चें दे ब्याह रोकने ते इस प्रथा पर काबू पाने आस्तै बनाया गेआ हा। इस कनून नै 1929 आले कनून दी थाहर लैती ही।

<><><><><><>

CM-Meet

मुख्मंत्री उमर अब्दुल्ला होरें अज्ज श्रीनगर आले सिविल सचिवालयच केई सारे मैहकमे दी जायजा बैठक दी प्रधानता कीती। इस दरान उनें जम्मू कश्मीर दी विकास स्थिति दी समीक्षा कीती ते सरकारी कम्मकाज च पारदर्शिता ते जोआबदेही दी अपनी वचनबद्धता गी दोहराया। बैठक च उपमुख्मंत्री सुरेन्द्र चौधरी, कैबिनेट मंत्री सकीना इत्तू, जावेद अहमद राणा, जावेद अहमद डार ते सतीश शर्मा हुंदे सने मुख्मंत्री हुंदे सलाहकार नासिर असलम वानी, मुख् सचिव अटल डुल्लू ते प्रशासनिक सचिवें बी हिस्सा लैता। मुख् सचिव होरें इस मौके पर इक ब्योरेवार पेशकारी कीती। मुख्मंत्री होरें कम्म गी तैह समें सीमा दे अंदर तोड़ चाढ़ने दी जरूरतै पर जोर पाया ते मंत्रिमंडल दे अपने सदस्येंग ी गुजारश कीती जे ओह अपने मतेहूत मैहकमे दे कम्में दी सक्रियता कनै निगरानी करन। उमर होरें आखेआ जे उंदा दफतर होरने मैहकमे दे कम्में दा बी सिद्दे तौरा पर जायजा लै करोग। उनें आखेआ जे सरकार पारदर्शी ते जोआबदेह प्रशासन उपलब्ध करोआने लेई वचनबद्ध ऐ ते एह लाजमी ऐ जे हर मैहकमा तालमेल बनाइयै कम्म करै तां जे विकास दे लाह भलेआं हेठली सतह तोहड़ी बी पुज्जी सकन।

<><><><><><>